



საგანმანათლებლო პროგრამების აკრედიტაციის
საბჭოს გადაწყვეტილება
ქ. თბილისი

12/02/2024



MES 6 24 0000145753

შპს ახალი უმაღლესი სასწავლებელი-ნიუუნის "ფსიქოლოგიის" საბაკალავრო
საგანმანათლებლო პროგრამის აკრედიტაციის მინიჭების თაობაზე

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულების“ 27² მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ, თუ „უმაღლესი განათლების შესახებ“ საქართველოს კანონის 66-ე მუხლის მე-4 პუნქტის, „განათლების ხარისხის განვითარების შესახებ“ საქართველოს

კანონის 22-ე მუხლის მე-8 პუნქტისა და აკრედიტაციის დებულების 27⁶ მუხლის პირველი პუნქტის „ა“ ქვეპუნქტის შესაბამისად, საგანმანათლებლო პროგრამის პირველი და ყოველი მომდევნო აკრედიტაციის შემთხვევაში, საგანმანათლებლო პროგრამა აკრედიტაციის სტანდარტებთან შესაბამისობის შეფასებისას, ყველა სტანდარტთან მიმართებით საბჭოს მიერ შეფასდა, როგორც „სრულად ან/და მეტწილად შესაბამისობაშია სტანდარტის მოთხოვნებთან“.

1.3. „აკრედიტაციის დებულების“ 27⁵-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მაძიებელს მისცეს რეკომენდაციები.

1.4. „აკრედიტაციის დებულების“ 27⁶-ე მუხლის პირველი პუნქტის „ბ“ ქვეპუნქტის თანახმად, ერთ სტანდარტთან მიმართებით მაინც შეფასდა, როგორც „მეტწილად შესაბამისობაშია სტანდარტის მოთხოვნებთან“ და არცერთ სტანდარტთან მიმართებით არ შეფასდება, როგორც „ნაწილობრივ შესაბამისობაშია სტანდარტის მოთხოვნებთან“ ან „არ არის შესაბამისობაში სტანდარტის მოთხოვნებთან“, საბჭო იღებს გადაწყვეტილებას აკრედიტაციის შესახებ და დაწესებულებას განუსაზღვრავს ვადას მიღებული რეკომენდაციების შესრულების თაობაზე ანგარიშის წარსადგენად, რაც აისახება საბჭოს სხდომის ოქმში.

1.5. აკრედიტაციის დებულების 27⁶-ე მუხლის პირველი პუნქტის „ბ¹“ ქვეპუნქტის მიხედვით თუ საგანმანათლებლო პროგრამა პირველ (საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა) ან მე - 4 (სწავლების რესურსებით უზრუნველყოფა) სტანდარტებთან მიმართებით შეფასდა, როგორც „მეტწილად შესაბამისობაშია სტანდარტის მოთხოვნებთან“ და არცერთ სტანდარტთან მიმართებით არ შეფასდება, როგორც „ნაწილობრივ შესაბამისობაშია სტანდარტის მოთხოვნებთან“, ან „არ არის შესაბამისობაში სტანდარტის მოთხოვნებთან“ და სტანდარტის მეტწილი შესაბამისობა განპირობებულია ამავე სტანდარტის არაუმეტეს ერთი კომპონენტის შეფასებით, როგორც „ნაწილობრივ შესაბამისობაშია სტანდარტის მოთხოვნებთან“, საბჭო იღებს გადაწყვეტილებას აკრედიტაციის შესახებ და მიმართავს ცენტრს შუამდგომლობით ამ დებულებით დადგენილი წესით დაწესებულებაში მონიტორინგის განხორციელების შესახებ (არაუმეტეს 2 წლის ვადაში), რაც აისახება საბჭოს სხდომის ოქმში;

1.6. აკრედიტაციის დებულების 27⁵ მე-7¹ პუნქტის შესაბამისად, საბჭო უფლებამოსილია, დასაბუთებული არგუმენტაციის შემთხვევაში, განსაზღვროს გადაწყვეტილებების ძალაში შესვლის თარიღი.

2. აღწერილობითი ნაწილი და დასაბუთება

2.1. სსიპ - განათლების ხარისხის განვითარების ეროვნულ ცენტრში (შემდგომში - ცენტრი) 2023 წლის 2 ივნისს №192 წერილით (ცენტრში რეგისტრაციის №637882, 02.06.2023) შპს ახალმა უმაღლესმა სასწავლებელმა - ნიუნიმ წარმოადგინა "ფსიქოლოგიის" საბაკალავრო საგანმანათლებლო პროგრამის სააკრედიტაციო განაცხადი. ცენტრის 2023 წლის 5 ივნისს №644877 წერილით, განაცხადს დაუდგინდა ხარვეზი, რომლის პასუხად, შპს ახალმა უმაღლესმა სასწავლებელმა - ნიუნიმ განახლებული დოკუმენტაცია წარმოადგინა 2023 წლის 6 ივნისის N194 წერილით (ცენტრში რეგისტრაციის - №648912, 06.06.2023). დოკუმენტაციის შესწავლის შედეგად 2023 წლის 8 ივნისის №657706 წერილით, განაცხადს დაუდგინდა განმეორებითი ხარვეზი. 2023 წლის 12 ივნისის №197 წერილით (ცენტრში რეგისტრაციის - №675969, 12.06.2023) დაწესებულებამ გამოასწორა ხარვეზები.

2.2. ცენტრის 2023 წლის 26 ივნისის №765353 ბრძანების საფუძველზე, უნივერსიტეტი ცნობილ იქნა აკრედიტაციის მაძიებლად. ცენტრის 2023 წლის 05 ოქტომბრის №1305004 ბრძანებით შეიქმნა ექსპერტთა ჯგუფი (ბრძანებაში ცვლილება - №1404027 19/10/2023 და №1422463 23/10/2023), რომელმაც 2023 წლის 23 ოქტომბერს განახორციელა სააკრედიტაციო ვიზიტი

უნივერსიტეტში, ხოლო 2023 წლის 21 დეკემბერს წარმოადგინა აკრედიტაციის ექსპერტთა დასკვნა, რომლის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არარის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა			•	
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა	•			
3. სტუდენტთა მიღწევები, მათთან ინდივიდუალური მუშაობა	•			
4. სწავლების რესურსებით უზრუნველყოფა			•	
5. სწავლების ხარისხის განვითარების შესაძლებლობები	•			

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მამიებლის მიერ ცენტრისთვის წარმოდგენილი არგუმენტირებული პოზიცია.

2.4. ზეპირი მოსმენა გაიმართა 2024 წლის 30 იანვარს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მამიებლის მიერ ცენტრისთვის წარმოდგენილი არგუმენტირებული პოზიციის, ასევე, სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ მეტწილად გაიზიარა ექსპერტთა შეფასება კერძოდ, 1.1 და 1.2 კომპონენტი ნაცვლად „ნაწილობრივ შესაბამისობაშია მოთხოვნებთან“ განსაზღვრა, როგორც „მეტწილად შესაბამისობაშია მოთხოვნებთან“, ხოლო 1.5 კომპონენტი ნაცვლად „შესაბამისია მოთხოვნებთან“ განსაზღვრა, როგორც „მეტწილად შესაბამისია მოთხოვნებთან“, რამაც გამოიწვია მთლიანად პირველი სტანდარტის შეფასების ცვლილება და ნაცვლად „ნაწილობრივ შესაბამისია მოთხოვნებთან“ განსაზღვრა, როგორც „მეტწილად შესაბამისია მოთხოვნებთან“.

აგრეთვე, 4.5 კომპონენტი ნაცვლად „ნაწილობრივ შესაბამისობაშია მოთხოვნებთან“ განსაზღვრა, როგორც „მეტწილად შესაბამისობაშია მოთხოვნებთან“, რამაც გამოიწვია მთლიანად მეოთხე სტანდარტის ცვლილება და განსაზღვრა, როგორც „მეტწილად შესაბამისია მოთხოვნებთან“.

3.სარეზოლუციონაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 პუნქტის, მე-4 პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 პუნქტის, მე-8 პუნქტის, აკრედიტაციის დებულების 27²მუხლის პირველი პუნქტის, 27⁵მუხლის პირველი პუნქტის „ა“ ქვეპუნქტის და მე-5 პუნქტის, 27⁶მუხლის პირველი პუნქტის „ბ¹“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ - განათლების ხარისხის განვითარების ეროვნული ცენტრის დირექტორის 2011 წლის 01 ივნისის N223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად,აკრედიტაციის საბჭომ 18 ხმით არცერთის წინააღმდეგ

გადაწყვიტა:

1. დაკმაყოფილდეს შპს ახალ უმაღლეს სასწავლებელ - ნიუუნის მიერ წარმოდგენილი სააკრედიტაციო განაცხადი და დანართი №1-ით გათვალისწინებულ „ფსიქოლოგიის" საბაკალავრო საგანმანათლებლო პროგრამას მიენიჭოს აკრედიტაცია კლასტერის ვადით 2028 წლის 31 დეკემბრამდე 2 წელიწადში მონიტორინგის განხორციელების ვალდებულებით.
2. ცნობილ იქნას აკრედიტაციის ექსპერტთა ჯგუფის დასკვნა „ფსიქოლოგიის" საბაკალავრო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი №2).
3. ცნობილ იქნას საბჭოს სხდომის 2024 წლის 12 თებერვლის №145746 ოქმის № 07 ნაწილი ამ გადაწყვეტილების განუყოფელ ნაწილად (დანართი №3).
4. საბჭომ ექსპერტთა დასკვნაში ასახული რეკომენდაციები განსაზღვრა შემდეგნაირად:

რეკომენდაციები:

- რეკომენდებულია, გადაწყდეს თუ რამდენი მიზანი უნდა ჰქონდეს პროგრამას და უფრო მკაფიოდ აღიწეროს ისინი ცოდნის, უნარებისა და კომპეტენციების თვალსაზრისით.
- რეკომენდებულია პროგრამის განვითარება ისე, რომ იგი უფრო მკაფიოდ შეესაბამებოდეს უნივერსიტეტის მისია 3-ს.
- რეკომენდებულია პროგრამის სწავლის შედეგების ხელახალი ფორმულირება უფრო მოკლე, უფრო მკაფიო ფორმატში.
- რეკომენდებულია რუკების განახლება.
- რეკომენდებულია, გადაიხედოს ძირითადი სწავლის სფეროს სავალდებულო სასწავლო კურსები და მათი სწავლის შედეგები შესაბამისობაში მოვიდეს პროგრამის სწავლის შედეგებთან.
- რეკომენდებულია ფსიქოლოგიის კვალიფიკაციის მქონე აკადემიური აფილირებული პერსონალის რაოდენობის გაზრდა.
- რეკომენდებულია დოქტორის შესაბამისი სამეცნიერო ხარისხის მქონე სპეციალისტების რაოდენობის გაზრდა.

- რეკომენდებულია პროფესიული კურსების წამყვანი აკადემიური და მოწვეული პერსონალის კომპეტენციები და კვალიფიკაცია მეტ შესაბამისობაში იყოს საკვალიფიკაციო მოთხოვნებთან და მოქმედ კანონმდებლობასთან.
- ბიბლიოთეკაში ხელმისაწვდომი უნდა იყოს სახელმძღვანელოების რამოდენიმე ეგზემპლარი, სავალდებულო კურსებისთვის მაინც.
- რეკომენდებულია სამუშაო/ სასწავლო აქტივობებისთვის დამატებითი ადგილების და სტუდენტებისთვის დასასვენებელი დარბაზების გამოყოფა, განსაკუთრებით თუ გავითვალისწინებთ, რომ სტუდენტების რაოდენობა გაიზრდება.
- სასწავლო პროგრამის განხორციელების ბიუჯეტი უნდა იყოს შემუშავებული და მოიცავდეს მინიმუმ სრულ ციკლს 1-4 წლამდე.
- რეკომენდებულია, შიდა ხარისხის მართვის მექანიზმების სრულყოფილად ამოქმედება პროგრამასთან მიმართებით, რეკომენდაციების შესრულებისა და განვითარების უზრუნველსაყოფად.
- ხარისხის უზრუნველყოფის სამსახურმა უნდა ჩართოს პროგრამის განმახორციელებელი პერსონალი პროგრამის სწავლის შედეგების, პროგრამის სტრუქტურისა და ა.შ. შემუშავების პროცესში. პროგრამის შემუშავებელ/ განმახორციელებელ პერსონალისა და ხარისხის უზრუნველყოფის სამსახურის თანამშრომლობა უზრუნველყოფს მაღალი ხარისხის საგანმანათლებლო პროგრამის გარანტიას.

რჩევები:

- სწავლის შედეგების წერისას დაიწყეთ შემდეგნაირად: „პროგრამის/ კურსის დასრულების შემდეგ, სტუდენტმა უნდა და მოქმედების ზმნა...“ და არ შემოიტანოთ ძალიან ბევრი კომპეტენცია თითოეულ სწავლის შედეგში.
- გადახედეთ, შეუძლია თუ არა პროგრამას შესთავაზოს სტუდენტებს უფრო მკაფიო სასწავლო გზები ისე, რომ იგი მაინც მოქნილი დარჩეს სტუდენტებისთვის.
- უფრო მეტად გაამახვილეთ პროგრამის ყურადღება კურსებზე, და არა ფსიქოლოგიის ყველაზე გავრცელებულ ქვედისციპლინებზე.
- განიხილეთ, ნაშრომი სავალდებულო უნდა იყოს თუ არა.
- დანერგეთ კვლევის თვისებრივი მეთოდები.
- მიეცით სტუდენტებს პორტალზე დისტანციური წვდომის შესაძლებლობა.
- შეუწყვეთ ხელი აკადემიურ პერსონალს ჩაერთოს საერთაშორისო პროგრამებში აკადემიური მობილობისა და გამოცდილების გაცვლის მიზნით.
- უზრუნველყავით პროგრამის გარე შეფასება საერთაშორისო შემფასებლების მიერ. ეს განსაკუთრებით მნიშვნელოვანია ახლად შემუშავებული ფსიქოლოგიის პროგრამისთვის, რომლის სფეროც ახალია უნივერსიტეტისთვის.
- ხარისხის უზრუნველყოფის სამსახურმა უნდა შექმნას მსგავს პროგრამებთან უფრო ზუსტი შედარებითი ანალიზი. ეს ნიშნავს, რომ ანალიზმა სისტემატურად უნდა წარმოადგინოს და შეადაროს მნიშვნელოვანი ინფორმაცია პროგრამის მსგავსების, განსხვავებებისა და პროგრამის სამომავლო განვითარების შესახებ.

5. მონიტორინგის განხორციელების ვადად განისაზღვროს 2 წელი (2026 წლის 30 იანვრამდე).

6. საბჭოს აღნიშნული გადაწყვეტილება ძალაში შევიდეს 2024 წლის 30 იანვარს.

7. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24¹ მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ. თბილისი, მ. ალექსიძის მე-2 შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის

გზით შემდეგ მისამართზე: ქ. თბილისი, დავით აღმაშენებლის ხეივანი N64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე (www.eqe.ge) გამოქვეყნების დღიდან, ერთი თვის ვადაში.

უმაღლესი საგანმანათლებლო პროგრამების
აკრედიტაციის საბჭო
საბჭოს მდივანი
რატიანი რატი



რ. რატიანი

საგანმანათლებლო პროგრამების აკრედიტაციის
საბჭო
საბჭოს თავმჯდომარე
ბუჩაშვილი გოდერძი



№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება	ფსიქოლოგია
2	ერთობლივი უმაღლესი საგანმანათლებლო პროგრამა	-
3	სტატუსი	ახალი
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	-
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება	-
6	უმაღლესი განათლების საფეხური	ბაკალავრიატი
7	დამგების წინაპირობები	-
8	კვალიფიკაციის დონე	VI
9	კვალიფიკაციის დასახელება	ფსიქოლოგიის ბაკალავრი
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით	-
11	დეტალური სფეროს დასახელება და კოდი (ISCED – F – 2013)	0313 ფსიქოლოგია
12	სწავლების ენა	ქართული
13	ECTS კრედიტების ჯამური რაოდენობა	240
14	განხორციელების ადგილი	გიორგი ჭყონდიდელის ქ. N56, თბილისი, 0180 საქართველო
15	მსჯავრდებულ აბიტურიენტთა საგანმანათლებლო პროგრამაზე სწავლა - სწავლების უფლებამოსილება	-
16	ამ გადაწყვეტილების ძალაში შესვლის თარიღი	30.01.2024
17	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა	მონიტორინგის განხორციელების ვადა 2 წელი, 30.01.2026 მდე
18	აკრედიტაციის ვადის გასვლის თარიღი	31.12.2028